

A·SEL ONG·ANI SOMOIO DAKNA NANGGNI ARO DAKNA NANGGIJANIRANG

CONTENTS

Banggriani Somoio Dakna Nanggni Aro Dakna Nanggijanirang	1
Mikka Balwa Tarako Dakna Nanggni Aro Dakna Nanggijanirang	5
Chi Bana Re·O Dakna Nanggni Aro Dakna Nanggijanirang	6
Wa·Al Kamitingo Dakna Nanggni Aro Dakna Nanggijanirang	7

BANGGRIANI SOMOIO DAKNA NANGGNI ARO DAKNA

NANGGIJANIRANG

Banggriana tarisamsoani:

Mamungba uisoani gri ranggitik banggriani ong-ronga. Unigimin senggnangan maina kenna nangani gnanngchim uko sandisoe donggenchimode banga gimaaoniko aro mandeni janggina a-sel ong-aoniko komiatna man-gen.

Skang, noko kena nanggnirangko sandisamsobo.

- Almirah-rangko ga-akjana gita pakmao name datkapbo
- Dal-gipa aro jringipa bosturangko almirahni kamabatgipa gadango donbo
- Bena altugipa bosturangko, jekai glass, astechi tarigipa bosturangko ka-magipa donchakanio doga chipe donbo
- Jregipa noksarangko aro ainarangko palang sepango aro manderangni asongram biap sambao sitenabe
- Kosako dingdegipa light frame-rangko name tekchape donbo
- Bijolini wire-rang nosto ongode tarie donbo aro gas leak ongama ongja sandie taribo maina iarangan wa-al kamatna altugipa ong-a
- Chi dingatgiparangko namedake pakmao tekchape donbo
- Nokingo ba nokni aparango bretanirang donggenchimode taridape donbo
- Nok rika namja ine nikode uie masigiparagoniko kupatianiko ra-bo
- Jo-ong ba samsirangko siatna jakalgipa samrangko aro wa-al kamna altugipa bosturangko kamagipa gadango name chipe donbo

Kuturiantion naljokgipa biapko nie donbo

- Mangrakgipa table ba palang nokima
- Pakmao dandane dongna
- Kelkini aina, noksa, glass ba jregipa leka donchakramrangoni chelao dongna

Apaloba naljoke dongna mangipa biaprangko sandie donbo

- Nok dalgiparangoni, bol wa-arangoni, bijoli aro telephone rangni silitingrangoni chelao bang bang daggipa biaprangko sandie donbo

- Nokni mande sakantian banggiriani jamano maiko dakna nanga masiate on-bo
- Nokni mande sakantinan basako aro maikai chi, gas aro bijoliko bond kana nanga skie on-bo
- Bisarangna basako aro maikai police-na aro fire department na phone ka-na, radio-ko knaeming koborraneko masina mangel, uarangni gimin skie on-bo

A-sel ongitikong nanggipa bosturangko rabitrongbo

- Light aro battery (agitchae)
- Battery-chi watgipa radio chongipa aro battery (agitchae)
- Sanchengani bosturang aro kitap (manual)
- Nanggitikona cha-ani aro ringani
- Tangka
- Baigipa jutarang

Tanggitikong ong-o maikai uiatgrikna mangenchim tarisamsobo (Develop an emergency Communication Plan)

Banggirimiting somoio nokdangni manderang dingtangtgrikaniko mangenchimode (salo a-sel ong-ode indake ongnaba gnang jeon ma-a paarang kamo aro bisarang skulo onggenchim) a-sel ongmanani jamano uamangko grongrikatana cholrangko tarie samsob donbo

Chelao donggipa ripengko ba madrang bakdrangko nangan salo kobor onatna gita agane donbo. Ranggitikong a-sel ongan jamano chelao donggipa baksa phone agangrikna altubata. Ua mandeni bimung phone number, addressko nokni mande sakantinan uiate donbo.

Banggrimitingonoko ongode

- Mangrakgipa bosturangni kokimao nape chakbo ba pakmao rimkape dongbo
- Apalchi onkatnabe
- Banggrimitingon apalchi onkatna joton ka-na nangja maina ua somoio nokni bosturang ga-akdapna altubata

Banggrimitingon apalo ongode

- Building ni, bijolini silitingrangoni aro soroko donggipa light-rangni chelao bangbango dongbo
- A-a moa nama-namkujana kingking uano dongbo

Gario remitingo ongode

- Gario dongdike dongbo aro apalchi onkatnabe
- Bangbang gipa biapo, building-rangoni, bol wa-a, kosako ra-sotgipa silitingrangoni, kosako rasotgipa dolongrangoni chelao dongbo.
- Banggria namahaon ka-sne simsake reangbo. Nosto ongatako manna kragipa dolongrangko rejaode nambata

Banggriani jamano noko jilgiparangni (achak, menggo) bewalrang

- Banggriani jamano noko jilgiparang (achak, menggo) ni bewalrang dingtangnaba donga. Namgipa mikmalgipa achak, menggo mikmaljanaba ba kanamjanaba donga. Uarangni dakbewalrangko name nirokna nanga aro achakrangko bera ningo kae dona nanga.
- Menggo, achakrangkode katanpram biapona rimangna onjanaba donga
- Tanggitik somoio chipe dona mana gita kacha dalako tarina nanga aro sal 3-na chuonga gita cha-aniko aro chiko one dona nanga.

Jamano banggritaigipana simsakbo

Skang banggrigipana bate bilaka komigenchimoba simsakna nanga maina ua benasigiparangko berurutnaba donga. Banggriani jamano a-a motaiani adita kontarangni jamano, adita salrang, antirangni ba jarangni jamano ongtainaba donga.

Saknaa mangiparangko ba onkatna mangija donggiparangko dakchakbo

- Skanggipa sanchenganiko dakbo. Bilonge mata bua mangiparangko a-sel ongdapani dongjagenchimode tomtom donaibo aro dakchakaniko ambo.
- TV ba radio ongipa koborko knatimbo
- Dakchakaniko nanggipa noksulrangna dakchakbo mongsongbate bisa bakgitchak, butchuma-budepa ba be-en bilgri ongiparang dongode uamangna dakchakbo
- Nosto onggipa nokchi napnabe. Mamungba jajrengani dongjawaha ine dilgiparang aganosa noktangtangachi reangpilbo
- Nangchongmota ongosu phone-ko jakalbo
- Ga-akgipa samrang, bleaching powder rang, gasoline ba kamna altugipa rangko ripakbo aro rongtalatbo. Gas ba mainiba bibako manode ua biapo dongnabe
- Almira ba medik samdik donchakgiparangko kasne simsake kulibo
- Walku joke katna tarigiparang namama namja nichengbo. Nosto ongode wa-al onkatnaba donga

Nosto onggipa nok ba gipinrangko nichengbo

- Gas jokama jokja nibo. Joka ongode ba biba manode kelki dogarangko obo aro nokoni onkatangbo
- Bijolini wire-rang chotama chotja sandibo aro chota ongode mongsonggipa fuse-ko okbo.
- Chi siltongrang ba paikanani siltongrang bretama bretja nibo. Paikanani siltong breta ong-ode taripilna agangatbo. Chi siltongrang beode ba nosto ongode tarigiparangko okamatbo aro pipe-ni chiko jakalnabe.

MIKKA BALWA TARAKO DAKNA NANGGNIRANG / DAKNA

NANGGIJAGIPARANG

- Gamchatgipa bosturangko naljokgipa biapo donbo
- Radio, torch light, battery, mombati, dislai aro chi rongtalatgipa samrangko tarie donbo
- Nok jamko insure ka-bo
- Chuonga gita chi aro jeng donggipa naljokgipa biapona matchu matteko moangbo
- Balwa, balminduri taraknasienggipani koborko, mikrakatanirangko radio-o knatimbo
- Mikrakataniko man-on naljokgipa biapo chuonga gita tarigimin ringani chi, cha-anirangko aro to rangko tarie chimongbo
- Bosturang jekai board, tin aro jakalgijagipa tinrang aro jerangkon balminduri manpakangna altua aro kengniko ongata uarangko name kae tarie donbo
- Kelki, dogarang balmindurio nosto ongatako mana altua unigimin uarangko name teke donbo. Songni manderangni tik kagimin sepangbatgipa katnapram biapona re-angbo
- Mikka balwa tarakmitingo apalchi onkatnabe
- Onggija jangbingbangatnabe aro uarangko bebe ra-nabe
- Sam ringon ok-o mamungkoba cha-ani gri ringnabe aro sal somoi batgimin (expired) samrangko ringnabe. Pangnan ANM ba skanggipa sananiko on-gipa dolo sam ringna skang singe rachengbo

CHI BANA RE·O DAKNA NANGGNIGIPARANG / DAKNA NANGGIJAGIPARANG

- Chi bana ong-nasiako kobor man-soon naljokgipa biapona ba atimbo dakgipa biaprangona dalani aro bisani cha-a ringanirango ra-e re-angbo
- Gamchatgipa lekbarangko nokkingo ba plastic-o chipemung a-a ningo ningtue dape donbo. Nok jamko aro nokni bosturangko insure ka-bo
- Naljokgipa biapona jila kaanirango chuonga jeng aro ringani chiko ra-e moange donbo.
- Radio-o mikrakatani koborango knatimbo
- Bijolichi jakalna nanggiparango jakalnabe
- Chiko jakalna skang samko on-chengbo aro cha-aniko gripe donrongbo
- Chipurang na simsakbo
- Katnapram biaponi onkatnabe. Dongchakgipa biapko rongtale rakibo
- Samtangtango rongtale rakibo
- Simgimin bosturangko cha-nabe. Manadipet rangipa cha-anirango cha-bo
- Aganbingbanganirango bebe ra-nabe

WA-AL KAMITINGO DAKNA NANGGIPARANG / DAKNA NANGGIJAGIPARANG

- Sepangbatgipa Police Control Room/Fire Stationna wa-al kambamitingon uiatbo (phone ka-atbo). District Control Room-naba uiatbo. Uamangni phone number-rangko gisik ra-bo ba calendar ba nokdangni manderangni nikna mangipa biapo see donbo
- Bisarangna dislai/lighterko kalna on-nabe
- Nangni cholako wa-al chabakode katnabe. A-ao turomromeming wa-alko kimitbo/siatbo
- Songmiting chanmitingo wa-al chabakna altugipa bararangko ganabe
- Chankol sepango bol cheksirangko, megaprangko aro kerosin-ko donabe.
- Songman chanmanahaon wa-alko skimitbo
- Gas cylinder-ko jakalna nangjahaon off ka-e donbo ba gasko jakalani niamrangko jarikbo
- Wa-al aro walkuoni jokna mana gita tugopbo
- Cigarette biri-rangko ringmanon skatang wa-al gnang galramramnabe
- Naljokatna re-bagipa dolrang banoniko baltin, chi, an-cheng, wajolrangko wa-al kimitna mangen masina nanga.